



ARISSI

PRO D. GEORGIO CO

miti ab Erpach, Palatinatus Rheni Archipin  
terna, Praefidi Alsatie &c. Domino  
suo Clementi, Philippus Me-  
lanchihon. S.



summa prudentia, summaque facundia disse-  
rentem audiebam, concepi, singulari quodā  
studio erga te accensus fuisset, iā olim equi-  
dem optavi, animum atque uoluntatem hanc  
meam digno atque idoneo aliquo argumēto  
tibi declarare posse. Ea enim pulcherrima-  
rum rerum propria quaedam uis est, ut non  
solum animorum nostrorum sensus, recor-  
datione sui afficiant atque oblectēt, uerum etiā  
eiusmodi

EPIST. NVNCVPAT.


eiusmodi desyderio impletos a se dimittant,  
ut quārumuis procul amotus atque sepositus  
fueris, subinde tamen recurrere & ad ea quę  
absunt, præsens referri, tibi uideare. Et quę  
admodum in excellentibus picturis ac tabu-  
lis accidere nobis ipsi uidemus, ut oculi no-  
stri contemplando, satiari fere nunquam possint,  
semperque nouum aliquid spectantibus no-  
bis sese offerat, quod discedentes ultro allici-  
at, detineatque, ita ipsa uirtus quoque sensus at-  
que cogitationes nostras trahit, neque unquam a  
sua admiratione quiescere, longiusue recede-  
re permittit. Itaque etiam sit, ut non modo ipsi  
intra nos earum rerum, quarum studio atque  
amore ita tenemur, uoluptatem capere con-  
tenti simus, uerum etiam nescio qua ui com-  
puli aliis quoque eadem illa, quibus nos affici-  
mur, prædicare atque cōmendare subinde stu-  
deamus: ac perinde atque ungēto aliquo deli-  
bui odores nostros in obuios ac proximos  
quosque diffundimus. Proinde cū eodem mo-  
do erga te, Clariss. uir, ego quoque cōmotus  
& incensus iam diu essem, cuperemque studiū  
atque affectum hunc meū etiam opere, ac ceu  
manifesto aliquo signo, testatū facere, nuper  
posteaque Lucianicū in Demosthenem Enco-  
mium scholæ nostræ publice interpretandū  
cepissem, ipsumque libellum pro meo more  
ac modo, Latīna oratione uertissem, operā


A 3













# DE OBITV

IOHANNIS STOEFLER IV.  
STINGANI, MATHEMA-  
TICI TVBINGENSIS,  
ELEGIA.

*Hæc obitum Stœfler describit Epistola docti,  
Quem meliore sui uiuere parte leges.  
Sola tuetur ab interitu nos inclyta uirtus,  
Ire sed in cineres membra caduca solent.*

PER THEODORVM  
REYSMAN.

Anno. M. D. XXXI.



2855

2895  
1920.

# AD REVE:

RENDISSIMVM AVGVSTANAE  
dioeceseos Episcopum, dominum Christo-  
phorum ab Stadian.

**H**Aec praeclare uirū tibi uenit Epistola, cursu  
Qua uitreo Blauus culta uireta rigat.  
Spero te solito suscepturum ista fauore,  
Esse bonis studijs pergere uelle patrem.  
Virtus Stœfleri sub te quoq; digna putanda est,  
Viuerè quam testis, membra caduca gemam.  
Aëris inclemens ratio nos ire Tubinga,  
Ad Blauī iam tum littus abire iubet.  
Tempus Aminæi iam tum reserebat lacchi  
Prægnantēis succo mustea dona botros.  
Qui docuit Phœbi cursus, Lunæq; labores,  
Stœfler nobiscum littora dicta petit.  
Officium populi nobiscum amplexus ad amnem,  
Molliter hic aliquot uixit & ipse dies.  
Vere nouo terræ iam soluiet incipiebant,  
Et reditum Zephyri, cuncta uireta parant.  
Stœfleri magis, atq; magis defecta senectus.  
Viuida mens, tardant membraq; casta rogam.  
Et latus, atq; acies oculorum debilitata.  
A cana uertex albuit ipse coma.

Auris & officium uix, agrè pes facit illud.  
Et mens in tepido corpore sola calet.  
Socraticas tamen hic gaudebat uoluere chartas,  
Hunc & adhuc libris incubuisse iuuat.  
Ille tamen dulci est correptus sæpe sopore,  
Et manibus tenuit, mordicus atq; librum.  
Ad properare uidens extremi tempora fati,  
Nuntiat ante diem, quàm fuit ille, suum.  
Antè tamen patribus nostris diuina supellex  
Legata est, nostri Bibliotheca senis.  
Quidedit, hinc animam Christo cõmendat Iesu.  
Causa doloris erant mortua membra uiri.  
Chartaq; mox aliqua tunc est suspensa columna.  
Funebris nostro figitur hora gregi.  
Curru quadrijugo rutilum iam Mane uehebat  
Postera clara dies, conuocat hora uiros.  
Ordo uirum, iuuenumq; uenit, matresq; secutæ.  
Soluimus & cano debita iusta seni.  
Hic se mandarat nostram inuectarier urbem,  
Posse Tubingiaci membra putrere solo.  
Hic, ubi uixisset, portam comitamur ad ipsam  
Blau, qui solito tristior ipse fuit.  
Stœßleri melior comitatos frigida membra  
Pars consolatur coelica regna tenens.  
Hæc eadem ratio solata est mœnia nostra,  
Castalios ciueis clara Tubinga tuos.



Inter & hos primum Simleron, te quoq; Galle.  
Laudanda patriam uos animatis ope.  
Nos in secessu uitaleis carpinus auras,  
Speranteis reditum per pia uota bonum.  
Sed uos praesentis patriæ. uirtuteq; uestra  
Sic sacra, ut docta redditur illa sibi.  
Exequijs quoq; uos Stœflerum condere doctum  
Non puduit, summo claudere honore uirum.  
Non etiam precibus contenti. florea dona,  
Lilia sparsistis, cum uiolisq; Rosas.  
Sparsus odor Casiæ, de luteola quoq; Caltha.  
Vitam ceu flores iuncta senecta premit.  
Vix dum nata etiã moritur Rosa. nascimur, & mox  
Ceu Rosa, ceu Viola, Calthaq; decidimus.  
Tempora prætereunt. sequitur Ver labilis Aestas.  
Proterit Autumnum Bruma, diemq; dies.  
Horam ceu rapit hora, fugax ut defluit amnis,  
Defluimus, rapimur, ceu Rosa decidimus.  
Omnia prætereunt. constans manet inclyta Virtus.  
Viuitur hac sola. cætera morte cadunt.  
Ista uidens Stœfler mox, & iuuenilibus annis  
Ad nostram sese contulit ipse scholam.  
Hunc patrium Iustinga solum non detinet, arua  
Dulcia, materni tecta q; nota foci.  
De Stœffel Comitum fauor hunc, nō aula retraxit,  
Quæ tamen his annis gratior esse solet.

Gnauiter his se exercet studijs, quæ semper adheret,  
Quæ nullum casu deseruere graui.  
Et quorum fructus fluuij non defluit instar,  
Quem rapit hora tibi, ceu Rosa quicquid cadit.  
Mœnia seu patriæ te cingant, Musa decorat.  
Vtilis, & laudi est ciuibus illa tuis.  
Illa manu medica corpus, mentemq; fouebit,  
Instituet prolem, dicere iura potest.  
Viuus ab urbe foris, proprio de rure beatus?  
Non dedignatur uiuere Musa comes.  
Mugitus auditq; bouum, fluuiosq; sonanteis.  
Carminibus bucolico flectit aratra, boues.  
Pro patria, contra Turcam lituosq; tubasq;  
Audit, & hortatur fortia corda uirum,  
Cornua dirigit hæc, aciemq; hastasq; minanteis,  
Hosteq; deuicto parta trophæa refert.  
Druchseum decus, & Speti, Fronspergaq; proles  
Tutando patriam qualia sæpe tulit.  
Viuus in exilio, solatur Musa benigne,  
Et patriam tanto monstrat in orbe tibi.  
Nec sinit illa mori benefacta imitanda bonorum.  
Hinc legis Aeneas, hinc Fabiosq; legis.  
Hæc facit, ut simileis non obliuiscas ulla uetustas.  
Perpetuos cælo Musa beatq; dies.  
Legimus & multis, quos naufraga puppis in alto  
Merferat, Aonidas restituisse decus.

Testis Aristippus, genuit quem clara Cyrenis,  
Artibus his quantum possit inesse boni.  
Sorpserat huius opes Neptuni irata procella,  
Et uix cum socijs enatat ipse suis.  
Mox Arteisq; nouenarum docet ille sororum,  
Resq; secunda fuit clara priore magis.  
Vnus ut in patriam se uelle redire doceret,  
Mandandis rebus nuntius esse petens.  
Prompsit Aristippus sapienti pectore uocem,  
Ciuibus ut ferret talia uerba suis.  
Artibus erudiant illis cum prole nepotes,  
Quas non tempestas, fors, minuatur dies.  
Voxq; Prienæi non est reticenda Biantis.  
Septenos inter nobilis ille uiros.  
Ille diu patriam tutatus ab hoste Prienen.  
Consilioq; diu tuta Biantis erat.  
Hæc eadem tandem est uiolento Marte petita,  
Hostibus hæc tandem uictaq; succubuit.  
Funera sors belli, facit hæc incendia, morteis.  
Ignis edax properat cuncta uorare bona.  
Quiq; aderant reliqui properant, fugiuntq; ruuntq;  
Casibus his potior uiribus, ille prior.  
Arripitur, quod cuiq; potest comprehendier aurum.  
Prensus Onyx, quoq; tulleste Smaragde uirens.  
Quæsitusq; Bias, rerum cur ipse suarum,  
Nil de thesauris ferret & ipse suis?



En mea cuncta fero mecum bona, digna locuta est  
Cedro inter Graios gloria magna uiros.  
Thesauros animo sapientia, Pieridesq;  
Indiderant, ueras commoda mentis opes.  
Non satis has unquam laudatas Stœcker ad artēis  
Accessit. creuit tempore fama uiri.  
In studio certat Septēmplicis ille Palæstræ,  
Diceret ut ciuem quælibet esse suum.  
Temporaq; ex meritis parta sunt cincta corona,  
Primus & in patrio rure Magister erat.  
Sæpe uir in mediam est de more egressus arenam,  
Protulit & studiij dogmata pulchra sui.  
Sæpeq; sermones ad Mala reduxit ab Ovo,  
Orsus & à minimis ordine summa putat.  
Et quid Honoratus castiget Seruius, & quæ  
Carpat Aristarchi uirgula, quæq; probet.  
Aelius in uarijs Donatus ut exposuitq;  
Libris hunc, atq; hunc, dogmata pulchra, locum.  
In quibus Eustathij sint scripta legenda magistri,  
Hic ubi difficileis excutit atq; locos.  
Hinc Chrysippæos pergit dissoluere nodos,  
Quid propius uero, quæq; remota magis.  
Illius argutus iaculis est sæpe Sophista  
Confossus, nihili dissecuitq; strophas.  
Quo sit Aristoteles Stagyrita legendus honore,  
A non spernendis scriptaq; cuncta Sophis.

Quoq; imitanda modo. nostros hic contudit Hydras,  
Qui decus Aonidum penè iacere uolunt.  
Segniter aut reuocant collapsas penè Camœnas,  
Aut qui præ quæstu negligere hæc solent.  
Inclita Virtutis Maïestas nobilis illic,  
Quò mens cœlestis sola uenire potest.  
Non hanc ambitio, quæstus, fortunaq; frangit,  
Et quantum Musis debeat, illa uidet.  
Sic media Iustinganus differtat arena.  
Detulit huic laudem sæpe Tubinga uiro.  
Docta, sed huic palmam Regalia mœnia, qualem  
Tullio in Ausonio sæpe dedere foro.  
Qua Demosthenicum Torrentem sunt uenerati,  
Presit ut ille minas sæue Philippe tuas.  
Tum quoq; Stœslerus cœlestia protulit astra,  
Quæ talem posthac constituere uirum.  
Vt dubites illo fuerit, maiôrne futurus  
Sit quisquàm. tantum fecit in arte dies.  
Supposita ingenio quàm sydera cuncta fuere,  
Contigit ad patrios antè redire lares.  
Quid faceret? Iustinga uirum reuocauerat altrix,  
Vna Pastorem uoce legitq; suum.  
Hunc decuit patriæ benefacta rependere gratum,  
Quæ tantis genuit talia membra bonis.  
Quæ puerum in cunis solitum uagire fouebat,  
Et reliquis annis officiosa fuit.

Ergò docet Mosen, Samuelis scripta propheta,  
Et quæ Davidis pagina sacra tenet.  
Hos, quo quisq; loco Christum cantauit Iesum,  
Exposuit Vates, scriptaq; Paule tua.  
Quanta pericla mari, terraq; subire paratus  
Tu fueris, patrio perdocet ille solo.  
Sed, studet ingenio furtim quoq; subdere, coeli  
Quæ non dum fuerant sydera nota uiro.  
Inq; breui spatio reliquum complexus, ut inde  
Nosset uti digitos omne Mathema suos.  
Publica facta uiri mox dogmata, mox reuocatus.  
Hunc repetunt animi, clara Tubinga, Patres.  
Tunc patriâ gemitus, lachrymæ, dolor atq; replebât.  
A lachrymis flumen fecit abire dolor.  
Illius & cursu maduerunt rura paterna,  
Quæ studuere sibi ritè tenere uirum.  
Hæc sermone graui compescuit, ista loquutus.  
Debeo multa tibi Patria, multa meis.  
Hanc etenim lucem tu posse uidere dedisti.  
Sedula tu nutrix & mihi semper eras.  
O utinam tibi plura queam conferre, studendo  
Prodessem Laribus per benefacta meis.  
Nunc animi Patres reuocant, his plura fatendum est  
Deberi. mens est corpore nobilior.  
Arte uirum, & pietate grauem designat, ut illum  
Audirent, longum dixit & inde Vale.



Exceptus noster quanto est Stœfclerus honore?  
Quom redit ad Proceres clara Tubinga tuos?  
Aduentum Iustingiatus quo carmine Vates  
Bebelius celebrat? quo reliquiq; modo?  
Tunc Philomela, suo Stheneleus carmine Cygnus,  
Dulce melos reliquæ concinuistis aueis.  
Cætera quid memorem? redditum gratantur ubiq;  
Letior in cursu Neccharus amnis abit.  
Multos hinc annos docuit sua sydera Stœfcler.  
Illius auditor Capnion ipse fuit.  
Regius atq; docens sinuosa uolumina iuris,  
Tuq; Hippocraticis docte Rudolphe libris.  
Balthasar, exponens oracula sacraq; Brunus,  
Et reliqui Proceres, nomina clara uirum.  
Ante alios omneis Iacob suffragia Lembi  
Stœfclero laudem sæpè dederunt suam.  
Ille Conon alter paruo est complexus in orbe  
Terras, & radio cætera quæq; suo.  
Quæ terras omneis circumfluat Amphitrite.  
Ingens extulerit Cetus ut inde caput.  
Vrbibus, & gemmis diues, biser Indus ad ortum,  
Vt fluat. aurifera distet ut Hermus aqua.  
Carolus occiduo quod tractatu Hispania pugnax,  
Quotq; plagæ reliquæ sceptrâ uerenda colant.  
Quot regnis Ferdinandus, quot Carolus ipse,  
Germana Turcam frangere possit ope.

Quantum sic miles, pluris conductus & Heros,  
Collectis numeris Myrias ipsa petat.  
Hinc, quos subiiciat populos Erymanthidos Vrsæ,  
Et quos Sol medio percoquat ipse die.  
Ista quiete carens quæ temperet omnia Cælum,  
Et quo se uegetent corpora prima modo.  
Quæ ratio sit Sphærarum. Stellâs ne putarit  
Decidere, ignitos nocte micante globos.  
Sint Phœbi statio Procyon, tropicus Capricornus.  
Queis æquet spatijs Libra, Ariesq; diem.  
Andromadæ sydus, quid Cassiopœia, Cephæus,  
Quidq; Medusæum lumina pulchra caput.  
Horum naturas, ortus, casusq; docebat,  
Et cecinit dulci carmina sæpe lyra.  
Dulcibus ille modis uiuentia membra acuebat,  
Cuius membra putrent, dogmata semper erunt.  
Quid prodest, lachrymis testari mortua membra?  
Quod leuat haud gemitus Barbitos ulla meos?  
Quid iuuat atq; Elegis corpus deslere sepultum,  
Tristitiaq; ut largis fletibus ora fluant?  
Solis ut ipse calor cæramq; niuemq; resoluit,  
Soluimur, in cineres ireq; membra solent.  
Fœlix, qui potuit superare hæc noxia membra,  
Excoluit mentem, Stœsler ut ille, suam.  
Hunc æquare uirum non est, tamen altius ibis,  
Huius ad exemplar si tua facta pares.

**Audire hunc, sed & hunc longinquis uisere terris**  
Venerunt clari sæpe cohorte uiri.

**Illi doctrina famam dixere minorem.**

Talibus hinc uerbis condita Busta noto.  
**Quadruplicis Mundi caussas, cœlestia signa,**  
Quo docuit Stœsler sint reuoluta modo.

**Est uirtus, & fama uiri super æthera nota.**

Illius Eous dogmata, Vesper habet.

**Quanta sit hocq; Tubinga uiro, Garamâtes, & Indi**  
Norunt, Iustingi rura paterna soli.

**Famæ uixq; capax habitabilis utraq; Zona,**  
Exanimeis artus Vrnula parua tegit.

**His ego uersiculis Stœsleri Busta notabam.**

Vt potui, solui debita iusta uiro.

**Illius in libris nosces ex ungue Leonem.**

Vnum de multis, qui tibi monstret, emas.

**Scripsit Ephemeridas, uenientia tempora, nuper.**

Prædixit multos tempora longa dies.

**Cætera prætereo ceu nota, sed illud habebit,**

Vt dicas Musæ pondus inesse meæ.

**Hic magna pietate fuit, magna uir & arte.**

Ille diu nobis uiuere dignus erat.

**Mors tamen haud parcit pueris, iuueniq; seniq;**

Hac rapitur sœua diues, inopsq; simul.

**Intereunt matres hac, innuptæq; puellæ.**

**Omniibus unda tua est traicienda Charon.**



Irus egens, diues Rex Attalus, hac puer ipse  
Est sublatuſ Hylas, hac Pylusq; ſenex.  
Hecſtoreum robur, cecidit formoſa Virago,  
Quæ tibi cauſſa mali Troica terra fuit.  
Alcides, ſapiensq; Cato, fortisq; Metellus,  
Cum Decijs Marij puluis & umbra iacent.  
Nolens à Parciſ trahitur. ducuntq; uolentem.  
Hoc quoq; Stœſlerus mortis abiuit iter.  
Hanc contra firmat ſe mox iuuenilibus annis.  
Sunt per eam cano parta trophæa ſeni.  
Nam per eam ſedes ingreſſus ut inde beatas,  
Quos docuit uiuus, nunc tenet ille polos.  
Abſtinuit Venere, & Baccho. non tempus abire  
Eſt paſſus ludo. numine plenus erat.  
Fortunatorum nemorum cœleſtia tecta  
Non dubium eſt talem poſſe tenere uirum.  
Ver ubi perpetuum, Muſæon ubi inter, & ipſum  
Threiciuſ Vatem Stœſler honore ſedet.  
Inter. foeliceis animas ubi pulſat eburno,  
Et non mortali peſtine leta canit.  
Hic, ubi Nectar, & Ambroſiam comedūtq; bibūtq;  
Et ſua deſleri membra ſepulta negant.  
Gaudet enim, quòd quiſq; ſuo ſit carcere liber,  
Digna, quòd & fiant corpora noſtra cinis.  
Sæpe etenim noſtræ mala ſunt occaſio menti,  
Nos à perpetuis allicimq; bonis.


Obijciunt tenebris, quas est Amphrisia Vates  
Complexa, Aeneæ monstrat & ipsa suo.  
Inter foeliccis Stœfler sua sydera cantat,  
Sidonios numeros, dogmata Nile tua.  
Illius hinc abitum Præsul Clarissime uulgans,  
Nominis ecce tui carmen honore uiget.  
Tanti Zoilus ut uideat bona tela Patroni,  
Et caueat nobis uelle nocere malus.  
Te uelut obiecto muro defendar, & huius  
Vt maledicta canis præpediisse queam.  
Ergò mihi uirtus Stadiani sanguinis, atq;  
Nobile Christophori est Anchora sacra decus.  
Te Proccres illos inter, queis Christus ouile  
Commisit, numerem, clarus honore micas.  
Manant Castalidum sacro tibi pectore uerba,  
Illa fluunt, grati mellis ut ipse liquor.  
Cura, salusq; tui gregis adflixit tua sæpe,  
Membra. soporifera sæpe quiete cares.  
O quoties aliquis medicum te ferre uolentem  
Auxilium dictis talibus admonuit.  
Neruus ut extentus præforti semper in arcu  
Rumpitur, & corpus frangere cura potest.  
Que nimia est. orbi Præsul Clarissime lapso  
Consultere intenta mole quisce semel.  
Misce Terpsicoræ dulcis cantusq;, iocosq;  
Augebit multos cura leuata dies.


Curarum pondus uix admonitusq; remittis.  
Ardes commissi tantus amore gregis.  
Si tua stemmata, si coner proauosq; referre,  
A claris genus es, nobilis ordo uiris.  
Suspensa ad Blauum Stadianæ insignia gentis  
Clarent, in sacro peneq; prima loco.  
Nam Blauum quondam uirtute, & Marte potenteis,  
Cæsarei Comites hæc tenuere loca.  
Magnorum Regum primi, fidiq; sodaleis,  
Quos ideo Comites turba Latina uocat.  
Qualis Acestes, & fidum quem scripsis Achaten  
Vates, & reliquum stemmata clara genus.  
Helsensteynorum talcis atau, proauiq;  
Inter Teutonicum nota propago decus.  
Hæc loca qui quondam rexere, ubi Signa tuorum  
Suspensa, in dicto peneq; prima loco.  
Nunc Bernhusiacus sanguis, Stadianaq; proies,  
Nobile stemma tuum, littora nostra tenet.  
Hos quoq; Stœflero uidi pia soluere Iusta,  
Cum studiosorum per sacra uota grege.  
Danubio uehitur Blauus, tua mœnia lambens,  
Vecta Tilingiacum, carmina nostra dedit.  
Præses Vindeliciæ Cathedræ, qui nostra tuendo  
Lecta probas, studio perge fâuere meo.


F I N I S.

Augustæ Vindelicorum per Alexandrum  
Vucyssenhorn, M. D. XXXI.











Konserwacja dokonana w r. 1953  
przez Piotra Karowskiego  
Inteligatora Biblioteki Miejskiej

B 847 - B 855

